

元和三年三月勅制舉人試訖有逼夜納策計不得歸者並於光宅寺止宿應巡檢勾當官吏并隨從人等侍舉人納策畢並赴保壽寺止宿仍各仰金吾街使差人監引送至宿所如勾當勾令喧雜其年四月以起居舍人翰林學士王涯為都官員外吏部員外郎韋貫之為果州刺史先是策賢良詔楊於陵鄭敬李益與貫之同考數是時牛僧孺皇甫湜李崇閔條對甚直無所畏避考官第其策皆居三等權幸或惡其詆已而不中第者乃註解其策同為唱誹之言涯居翰林其甥皇甫湜中選考數之際不先上言故同坐焉居數日貫之再黜巴州司馬涯號州司馬楊於陵遂出為廣州節度使裴珣時為翰林學士居中覆視無所同異及為貴倖泣訴情罪於上、不得已罷珣翰林學士除戶部侍郎十五年二月勅先帝所徵賢良方正能直言極諫等科目朕不欲親試且令中書門下尚書省四品已上官

就尚書省同試吏部尚書趙宗儒奏奉勅以先朝所徵制科舉人令與中書門下四品已上官同於尚書省就試者伏以制科所試本在親臨南省策試亦非舊典况今山陵日近公務繁迫臣商量且宜停罷從之

大和三年以散騎常侍馮宿太常少卿賈餗庫部郎中龐嚴為考官策第二十二人而前進士劉蕡策果切直不居是選其間指陳時事不選貴近言辭激切士林感動雖賈董無以過也而考官有所畏忌不敢上聞隨例擯斥識者議之喧然不平守道正人傳其文至有相對而泣者諫官等或將其策白於宰相臣等亦不敢為之明白登科人李邵者深有所愧抗表請讓官於蕡事竟不行又天復初劉季遠敗起居郎羅衮上疏請追贈蕡於是下詔贈左諫議大夫仍訪子孫叙用初蕡條對制策言宦官權盛後必為患及是而果然也

四年正月德音節文天下諸色人中有賢良方正能直言極諫及經
優深可為師法詳明吏理達於教化等科委常參官及方牧郡守各
舉所知草澤無人舉者亦聽自舉限來年正月至上都五年正月十
七日語以兵戈未息權停

大中元年二月吏部宏辭舉人漏洩題目為御史臺所劾待郎裴駿
改國子祭酒郎中周敬復罰兩月俸料考試官刑部郎中唐扶出為
虔州刺史監察御史馮顛罰一月俸料其登科十人並落下 十二
年三月中書舍人李潘知舉於博學宏詞科陳琬等三人及進詩賦
論等召潘謂曰所賦詩中重用字何如潘曰錢起湘靈鼓瑟詩有重
用字乃是度幾上曰此詩似不及起乃落下

孝廉舉

貞觀十八年二月六日引汴鄆諸州所舉孝廉賜坐於御前上門以

皇王政術及皇太子問以曾參說孝經並不能答太宗謂曰自楚莊
王以群臣莫逮退而有憂色曰諸侯能自得師者王自謀而莫已若
者亡今以不穀之不德群臣言莫吾逮吾國能免於亡乎朕發詔徵
天下俊異絕以淺近問之咸不能答海內賢哲將無其人耶朕甚憂
之

寶應二年六月二十日禮部侍郎楊綰奏請每歲舉人依鄉舉里選
察秀才孝廉勅令公卿以下集議中書舍人賈至議曰楊綰所奏寔
為正論然衣冠遷徙人多僑寓士居鄉土百無一二今依古制恐取
士之道未盡今禮部每歲擢甲乙之科祇足長浮薄之風使倖之路
矣其國子博士等望加員數十道大郡量置太學令博士出外兼領
郡官召致生徒依乎故事保桑梓者鄉里舉焉在流寓者庠序推焉
如此則青、不復興刺擢、由其歸本焉勅旨每州每歲察孝廉取

在鄉間有孝弟廉恥之行薦焉委有司以禮待之試其所通之學五經之內精通一經兼能對策達於理體者並量行業授官其明經進士並停道舉亦宜准此况所司作條件處分七月二十六日禮部侍郎楊綰奏貢舉條

孝廉各令精通一經其取左氏傳公羊穀梁禮記周禮儀禮毛詩尚書周易任通一經每經問義二十條皆取旁通諸義務窮根本試格策三道問古今理體及當時務要取堪取用者仍每日問一道頻三道日畢經義及策全通為上第其上第者望付吏部便與官其問義每三條通七策通二為中第與出身下者罷之又論語孝經皆聖又深旨孟子亦儒門之達者其學官望兼習此三者共為一經其試如上秀才舉望今精通五經問義二十條對策五道全通者為上第上第者送名中書門下請超與處分問義十條通七策通四為中第中

第者送吏部與官下者罷之孝弟力田但能熟讀一經言音典切即令所司舉送試通便與出身其今年舉人或舊業既成理難速改或遠州所送身已在途事須收獎不可中廢其今秋舉人中有情願依舊舉業者亦聽今年之後一依新勅旨進士明經置來日今今頓令改業恐難其人諸色舉人宜與舊法兼行至建中元年六月九日勅孝廉科宜停

開元禮舉

正元二年六月十一日勅開元禮國家盛典列聖增修今則不列學科藏在書府使勅官者林於郊廟之儀理家者不違冠婚之義移風固本合正其源自今已後其諸色舉人中有能習開元禮者舉人同一經例選人不限選數許習問大義一百條試策三道全通者超資與官義通七十條策通兩道已上者不在放限其有散官能通者亦

依正官例處分至元九年五月二十日勅其習開元禮人問大義一百條試策三道全通者為上等大義八十條已上策兩道已上為次等餘一切並准三禮例處分仍永為常式元利八年四月吏部奏應開元禮及學究一經登科人等舊例據等第高下量人才授官近日緣校書正字等名望稍優但需科第皆求注擬堅待員闕或至踰年若無科條恐長僥倖起今已後等第稍高文學兼優者伏請量注校正其餘置開元禮人太常寺官有闕相當通經人國子監官闕相當者並請先授以脩講討如不情願即通注他官庶各實有名紀律可守其今年以前待闕人亦請依此條限使為常制勅旨依奏

三禮舉

正元五年五月二日勅王者設教勸學攸先生徒肄業執禮為本然則禮者務學之本立學之端居安之大猷致理之要道姑務弘獎以

廣儒風自今已後諸色人中有習三禮者前資及出身人科目選吏部考試白身衣貢舉吏禮部考試每經問大義三十條試策三道所試大義仍委主司於朝官學官中揀選精通經術三五人間奏主司於同試問義策全通為上等持加超獎大義每經通二十五條以上策通兩道已上為次等依資與官如先是員外試官者聽依正貢例其諸館學生願習三禮及開元禮者並聽仍永為常式

三傳三史附

長慶二年二月諫議大夫殷侑奏謹按春秋二百四十二年行事主之政人倫之紀脩矣故先師仲尼稱志在春秋歷代立學莫不崇尚其教化伏以左傳卷軸文字比禮記多較一倍公羊穀梁與尚書周易多校五倍是以國朝舊制明經授散若大經中經能習一傳即放冬習然明經為學者猶十不一二今明經一例冬集人之常情趨

少就易三傳無復學者伏恐周公之微旨仲尼之新意史官之舊章
將墜於地伏讀置三傳科以勸學者左傳問大義五十條公羊穀梁
各問大義三十條策三道義通七以上策通二以上與及第其白身
應者請同五經例處分其先有出身及前資官應者請准學究一經
例處分及奏歷代史書皆記當時善惡繫以褒貶垂裕戒其司馬遷
史記班固范曄兩漢書旨義詳明懲惡勸善亞於六經堪為代教伏
惟國朝故事國子學有文史直者弘文館弘文生並試以史兩漢書
三國志又有一史科近日以来史學都廢至於有身處班列朝廷舊
章昧而莫知况乎前代之載焉能知之伏請置前併史科每史問大
義一百條策三道義通七策通二以上為及第能通一史者請同五
經三傳例處分其有出身及前資官應者請同學究一經例處分有
出身及前資官稍優與處分其三史皆通者請錄奏聞特加獎擢仍

請頒下兩都國子監任生徒習讀勅旨宜依仍付所司

童子

廣德二年五月二十四日勅孝弟力田科其每歲貢宜停童子每歲
貢者亦停童子仍限十歲以下者至大曆三年三月二十五日勅童
子舉人取十歲以下者習一經無論語考經每卷誦文十科全通者
與出身仍每年令本貫申送禮部同明經舉人例考試訖開奏至十
年十月二十五日勅童子科宜停開成三年十二月勅諸道應薦萬
言及朝廷設科取士門日至多有官者合詣吏曹米仕者即歸禮部
文詞學藝各盡其長此外更或招延則為冗長起今以後不得更有
支薦俾由正路冀絕倖門雖有是命而以童子為薦者比之有之

明法

正元二年六月勅明法舉人有能兼習一小經帖義通者依明法例

處分

唐會要卷第七十六

唐會要卷第七十七

推忠協佐理功臣光祿大夫守司空兼門下侍郎同中書門下
平章事監修國史上柱國太原郡開國公食邑二千戶食實封四
百戶臣王溥纂

貢舉下

科目雜錄

弘文宗文生舉

崇立生

道舉附

論經義

諸使上

觀風俗使

巡察按察巡撫等使

科目雜錄

太和九年十月中書門下奏凡未有出身未有官如有文學祇合於
禮部應舉有出身有官方合於吏部赴科目選近年以來格文差誤
多有白身及散官并稱鄉貢者並赴科目選及注擬之時即妄論資

處分

唐會要卷第七十六

唐會要卷第七十七

推忠協佐理功臣光祿大夫守司空兼門下侍郎同中書門下
平章事監修國史上柱國太原郡開國公食邑二千戶食實封四
百戶臣王溥纂

貢舉下

科目雜錄

弘文宗文生舉

崇立生

道舉附

論經義

諸使上

觀風俗使

巡察按察巡撫等使

科目雜錄

太和九年十月中書門下奏凡未有出身未有官如有文學祇合於
禮部應舉有出身有官方合於吏部赴科目選近年以來格文差誤
多有白身及散官并稱鄉貢者並赴科目選及注擬之時即妄論資

次曾無格例有司不知所守其有宏辭拔萃開元禮學究一經則有定制然亦請不用在散試官限其三禮三傳一史三史明習律令等如白身並令國學及州府同明經一史三禮三傳同進士三史當年關送吏部使授第二任官如有出身及有正官本是吏部常選人則放於吏部不限選數應科目選仍須檢勘出身及授官無踰濫否緣取學藝其餘文狀錯繆則不在駁放限如考試登科並依資注與好官唯三史則起一資授官如制舉人暨諸色人中皆得選試則無出身無官人並可亦請不用散試官伏以散試偶於諸道甄錄處得便第二第三任官既用虛御及授官則勝進士及諸色及第登科人授官寔恐僥倖勅旨依奏

大中十三年二月中書門下奏據禮部貢院見置科目內開元禮三禮三傳三史學究道舉明策童子等九科近年取人頗濫曾無寔藝

可採徒添入仕之門須議條流俾精事業臣等已於延英面奏伏奉聖旨將文字奏來者其前件九科臣等高量望起大中十年權停三年滿後至將赴科試者令有司據所司人先進名令中書舍人重覆問過如有本業稍通堪脩朝廷顧問即作等第進名候勅處分如事業荒蕪不合送名而妄送者考官先議朝貴其童子近日諸道所薦送者多年齒已過考其所業又是常流起今後望令天下州薦童子並須實年十一十二已下仍須精熟經旨全通兼自能書寫者如違條例本道長吏亦宜議懲罰從之

咸通四年二月進士皮日休上疏請以孟子為學科曰臣聞聖人之道不過乎經之降者不過乎史之降不過乎子之不異乎道者孟子也今國家有業莊列之書者亦登於科其誘善也則深而懸科也未正伏望命有司去莊列之書以孟子為主有能精通其義者其科

選視明經同疏奏不答

弘文崇文生舉

開元二十六年正月八日勅文弘文崇文生錄是貴胄子孫多不專經業便與及第深謂不然自今已後一依令式考試至天寶十四載二月十日弘文館學生自今已後宜依國子監學生例帖試明經進士帖經並減半雜文及策皆須粗通仍永為恆式

廣德元年七月二十六日勅弘文崇文兩館生皆以資蔭補先所習經業務須精熟楷書字體皆得正樣通者與出身不通者罷之

正元四年正月勅應補弘文崇文學生員闕至少請補者多就中商量須有先後伏請准建中三年十一月勅先補皇總麻已上親次及宰輔子孫仍於同類之曰所用蔭先盡門地清華履歷要近者其餘據官蔭高下類例處分六年九月勅本置兩館學生皆選勳賢胄 蓋

欲令其講藝紹襲家風固非開此偉門隳紊典教且令式之內具有條章考試之時理須精覈比聞此色倖冒頗深或假市門賚或變易昭穆殊虧教化之本但長徒競之風未補者務取闕員已補者自然登第用蔭既已乖實試藝又皆假人誘進之方豈當如此自今已後所司宜據式文考試定其升黜如有假貸並准法處分

大和七年八月九日勅弘文兩館生今後並依式試經畢日仍差都省郎官兩人覆試須責保任不得輒許替代 九年十二月中書門下奏奉進止令減下諸色入仕人其弘文館學生見定二十四人今減下四人崇文館學生見定十六人今請減下一人勅三日依奏

開成三年二月兩軍使狀稱請准大和元年五月十七日以前勅文官階至品便許用蔭與子孫補兩館生出身勅三日神策大將軍用蔭補兩館生宜准左右金吾大將軍例處分

崇立生道舉附

開元二十五年正月十五日於玄元皇帝廟置崇立學令習道德經莊子文子列子待習成後每年隨舉人例送名至省准明經考試通者准及第人處分其博士置一員

天寶元年五月中書門下奏兩京及諸郡崇立學生等准開元二十九年正月制前件人合習道德經南華通玄沖虛等四經又准天寶五年二月制改庚子為洞靈真經准請條補崇立學亦合習讀伏准後制合通五經其洞靈真經人間少本臣近令諸親尋訪道士全無習者本既未廣業寔難成并通玄沖虛二經亦恐文字不定立教方闡孝者宜精其洞靈等三經望付所司各寫十本校定訖付諸道採訪使頒行其貢奉司及兩京崇立學生亦望各付一本今冬崇立學生望且准開元二十九年五月制考試其洞靈真經講待業成後

准式從之二年三月十六日崇立生試及帖策各減一條三年業成始依常式 七載五月十三日崇立生出身至選時宜減於常例一選以為留放十三載十月十六日道舉停習道德經加周易宜以來載為始至寶應三年六月二十日道舉宜停七月二十六日勅禮部奏道舉就停其崇立生望付中書門下商量處分 大曆三年七月增置崇立生員滿一百

建中元年二月中書門下奏准制崇立館學生試日減策一道者其崇立館附官見在者既同行事理合霑恩准策一道不可更減大義兩條從之

論經義

貞觀十二年國子祭酒孔穎達撰五經義疏一百七十卷名曰善贊有詔改為五經正義太學博士馬嘉運每稍擴之有詔更令詳定未就而卒永徽一年三月十四日詔太尉趙國公長孫無忌及中書門下

及國子三館博士弘文學士故國子祭酒孔穎達所選五經正義事
有遺謬仰即刊正至四年三月一日太尉無忌左僕射張行成侍中
高季輔及國子監官先受詔修改五經正義至是功畢進之詔頒於
天下每年明經依此考試

長安三年三月四門博士王元感表上尚書糾謬十卷春秋振滯二
十卷禮記繩愆三十卷并所註孝經史記漢書請官給紙筆寫上
秘閣制令弘文崇立兩館學士及成均博士詳其可否弘文館學士
祝欽明崇立館學士李憲趙元亨成均博士郭山憚皆專守先儒章
句先譏元感元感擗據舊義不之屈唯鳳閣舍人魏知古司封郎中
徐堅右史劉知幾右史張思敬雅好異聞每為元感申理其義由是
擢拜太子司議郎

開元七年三月一日勅孝經尚書有古文本孔鄭註其中二日趣頗

多踳駁精義妙理若無所歸作業用心復何所適宜令諸儒并訪後
進達解者質定奏聞其月六日詔曰孝經者德教所先自頃已來獨
宋鄭氏孔氏遺旨今則無聞又子夏易傳近無習者輔嗣注老子亦
甚甄明諸家所傳互有得失據一說能無短長其今儒官詳定所
長今明經者習讀君將理等亦可並行其作易者並帖子夏易傳共
寫一部亦詳其可否奏聞時議以為不可遂停 四月七日左庶子
劉子玄上孝經註議曰謹案今俗所行孝經題曰鄭氏註爰自近古
皆云鄭即康成而魏晉之朝無有此說至晉穆帝永和十一年及孝
武帝太和元年再聚群臣共論經義有荀昶者撰集孝經諸說始以
鄭氏為宗自宋梁以來多有異論陸澄以為非玄所註請不藏於秘
省王儉不依其請遂得見傳於時魏齊明立於學宮著在律令蓋由
庸俗無識故致斯訛然則孝經非玄所註其驗十有二條據鄭自

序云遺黨錮之事逃唯註禮黨錮事解註古文尚書毛詩論語為表
潭所逼來至元城乃註周易都無註孝經之文其驗一也鄭玄卒後其
弟子追論師註所述及應對時人謂之鄭志其言鄭所著者惟有毛
詩三禮尚書周易都不言鄭註孝經其驗二也又鄭之日錄記鄭之
所註五經之外有中候書博士政論乾象曆六藝論毛詩譜答臨寔
難禮駁許慎異義發墨守箴膏肓及荅甄子然等書寸紙片莫不悉
載若有孝經之註無容匿而不言其驗三也鄭之弟子分授門徒各
述師言更不問荅編錄其錄謂之鄭記唯載詩書禮易論語其言不
及孝經其驗四也趙高作鄭先生碑銘具稱其所註箋駁論亦不言
著孝經晉中經簿周易尚書中候尚書大傳毛詩周禮儀禮禮記論
語凡九書皆云鄭氏註名玄至於孝經則稱鄭氏解無名玄二乎其驗
五也春秋緯演孔苗云康成註三禮詩易尚書論語其春秋孝經別

有評論宋均於詩譜序云我先師北海鄭司農則均是玄之傳業子
弟也師所著述無容不知而云春秋孝經唯有評論非玄之所著於
此特明其驗六也又宋均孝經緯註六藝論叙孝經云玄又為之著
司農論如是向均無間焉有義無辭今余昏惑舉鄭而語云無間其
驗七也宋均諱註云玄為春秋孝經畧疏非註之謂所言玄又為之
註者訛辭耳非事實序春秋亦云玄又為之註也寧可復責以寔註
春秋乎其驗八也後漢史書存於代者有謝承薛瑩司馬彪袁崧等
具為鄭玄傳者載其所註皆無孝經其驗九也王肅孝經傳首有司
馬宣王之奏並奉詔令諸儒註述孝經以肅說為長若先有鄭註亦
應言及而不言鄭其驗十也王肅著書發揚鄭短凡有小失皆在聖
證若孝經此註亦出鄭氏被肅攻擊最應煩多而肅無言其驗十一
也魏晉朝賢辨論時事鄭氏諸註無不撮引未有一言引孝經之註

其驗十二也。凡此證驗，易為考敷，而代之學者，不覺其乘彼謬說，競相推舉，諸解不立，學官此註獨行於世。觀夫言語鄙陋，固不可示彼後來傳諸不朽。至如古文孝經，孔傳本出孔氏壁中語，其詳正無候，高確而曠代亡逸，不復流行。

開皇十四年，秘書學士王孝逸於京市陳人，取置得一本，送與著作郎王邵，以示河澗劉炫。仍令按定，而此書更無兼本，難可依憑。炫輒以所見率意刊改，因著古文孝經稽疑一篇，仰以為此書經文盡在正義，甚美。而歷代未嘗置於學官，良可惜也。然則孔鄭二家雲泥致隔，今綸旨發，問校其短長，愚謂孔行廢鄭於義為允。又今俗所行老子是河上公註，其序云河上公者，漢文帝時人，結草庵於河曲，乃以為號。所註老子授文帝，因冲空上天，此乃不經之鄙言，流俗之虛語。案漢書藝文志註老子者三家，河上所釋無聞焉。爾豈非誣者欲神

其事故，假造其說耶？豈如王弼所著義旨為優，必黜河上公，升王輔嗣在於學者，寔得其宜。又案漢書藝文志，易有十三家，而無子夏作傳者。至梁阮氏七錄，而有子夏易六卷，或云韓嬰作，或云丁寬作。然據漢書藝文志，韓易有二篇，子夏易有一篇，求其符合，則事殊墮刺者矣。歲越千齡，時經百代，其所著述，沉翳不行，豈非後來假憑先哲，亦猶石棠謬稱阮籍，鄭瓊濫名周寶，必欲行用，深以為疑。臣竊以鄭氏孝經河上公老子二書，訛舛不足流行。孔王兩家，寔堪師授。每懷此意，其願莫從。伏見去月十日勅，令所司詳定四書得失，其狀聞奏。臣等尋草議，請行王孔二書。牒禮部訖，如狀為允。請即頒行。國子祭酒司馬正議曰：今之孝經是漢河間王所得，顏是本。至劉向以此本奉校古文，省除煩惑，定為此一十八章。其註相承云是鄭玄所著，而鄭志及目錄等不載，故往賢共疑為唯荀昶、范曄以為鄭注，故昶集解

孝經具載此註而其序云以鄭為主事先達博選以此註為優其註
縱非鄭氏所作而義旨教暢將為得所 其教處小有非穩寔亦非
與經通其古文二十二章先出孔壁先是安國作傳緣遭巫蠱世未之
行荀昶集註之時尚有孔傳中朝道亡其本近儒欲從古學妄作此
傳假稱孔氏輒穿壁改更又偽作閨門一章劉炫詭隨妄稱其善且
閨門之義近俗之語非宣尼之正說案其文云閨門之內具禮嚴矣
親見妻子臣繇百姓徒役也是此妻子于徒役文句此鄙不合典經
又分庶人章後故自天子以下別為一章仍加子曰二字然故者連
上之辭既是章首不合言故古人既忘後人妄開此等數以應二十
二章之數非但經文不真抑且傳習淺偽又注用天之時因地之利其
畧曰脫衣就功暴其肌骸朝暮從事露髮跣足少而習其安焉此語
雜傍出諸子而引之為注何言之鄙俚乎與鄭氏所云分別五土視

其高下高田宜黍稷下田宜稻麥優劣懸殊曾何等級今議者欲取近
儒詭說殘經缺傳而廢鄭注理定未可望請准式孝經鄭注與孔傳
依舊俱行又注老子河上公蓋憑虛立辨漢史定無其人然其註以
養人為宗以無為為辭近其理弘小足以修身潔誠大可以寧人
安國且河上公雖曰註書即又立教皆首嗣明近用斯可知言矣王
輔嗣雅善玄談頗深道要窮神用於素篇守靜默于牝暢其旨微在
于玄學顯是所長至若近人立徵修身弘道則河上為得今望請王
河二注今學者俱行又案劉向七畧有子夏易傳但此書不行已久
今所存者多又真本又荀勗中經簿云子夏傳四卷或云丁寬所作
是先遠疑非子夏矣又隋書經籍志云子夏傳殘缺梁時六卷今三
卷是知其書錯謬多矣無益後學不可將帖正經

五月五日詔曰間者諸儒所傳頗乖通議敦孔學者莫鄭門之息

咸尚今文者指左傳為誣偽堂朝廷並列書府以廣儒術之心于其
河鄭二家可令依舊行用王孔所注傳習者稀亦存繼絕之典頗加
獎飾子夏傳遞篇令帖易者停十四年八月六日太子賓客元行
冲等撰禮記義疏五十卷成奏上之先是右衛長史魏光乘上言今
禮記章句踳駁故太師魏徵更編次改注堪立學傳授上遽令行冲
集學者撰義疏時立學官行冲於是引國子博士范行恭四門助教
施敬本檢討刊削及疏成右丞相張說駁奏曰今之禮記是前漢戴
德戴聖所編歷代傳習已向千年著為經教不可刊削至魏徵孫炎始
改舊本以類相比有同抄書先儒所竟不行用貞觀中魏徵因孫炎
所修更加整改並為之注雖加賞賜其書竟亦不行今行冲等奉勅
撰疏勒成一部欲與先儒義理章句隔絕若欲行用竊恐未可上照
其奏遂留其書貯于內府竟不得立學行冲怨諸儒排已退而著論

以自釋也其年八月十四日上讀洪範至無頗以聲不協韻因改頗
為陂詔曰復思文皆物韻惟頗一字寔即不倫又周易中無平不陂
緇文字亦有頗音陂之與頗訓詁無別為陂則文亦會意為頗則聲
不成文應由煨燼之餘編簡遂缺傳授之際差舛相沿原始要終須
有利草洪範無頗字宜改為陂庶使先儒之義去彼膏肓黷學之徒
正其魚魯仍宣示國學

天寶五載正月二十三日詔曰禮記垂訓篇目攸殊或未盡於通体
是有乖於大義借如堯命四子所授惟時周分六官曹不繫月先王
行令蓋取於斯苟分至之可言何弦望之足舉其禮記月令宜改為
時令其載二月二十四日詔曰朕欽承聖訓覃思玄經頃改道德經
載字為哉仍隸屬上旬及乎廷議衆以為然遂錯綜真銓因成註解
又孝經書疏雖粗發明幽贖無遺未能該備今更敦暢以廣闢文仍

令集賢院具寫送付所司頒示中外

正元七年十二月秘書監包佶奏開元刑定禮記月令為時令其音及義疏並未刊正其開元禮所與月令相涉者請選通儒詳定從之開成二年八月初新加九經字樣一卷國子監奏定得覆定石經字體翰林待詔唐玄度狀伏准太和七年二月初覆定九經字體者令所詳覆多依司業張參五經字為准其舊字樣歲月將久畫點參差傳寫相承漸致乖誤今並依字樣書參詳改邪就正訖諸經之中別疑闕舊字樣未載者古今體異隸篆不同如摠據說文即古體驚俗若近代之文字成傳寫乖訛今與校勘官同高較是非取其適中纂錄為新加九經字樣一卷或經與相承異字義不同者引文以註解今刊削成請附於九經字樣之末勅旨宜依

觀風俗使自貞觀八年以後不置

貞觀八年正月二十九日詔曰昔者明王之御天下也內列公卿允鑒庶績外建侯伯司牧黎元惟懼淳化來敷名教或替故有巡狩之典黜陟幽明行人之官存省風俗時雍之化率由茲道宜遣大使分行四方申諭朕心延問疾苦觀風俗之得失察政刑之苛弊務盡使乎之旨俾若朕親觀為於是分遣蕭瑀李靖楊恭仁竇靜王珪李大亮劉德威皇甫無逸韋挺李襲譽張亮杜正倫趙智等巡省天下

巡察按察巡撫等使

貞觀十八年遣十七道巡察諫議大夫褚遂良諫曰臣以為自去年九月不雨經冬無雪至今年二月下澤麥苗如似小可使人今出正是農時普天之下不能無事東州追掩西郡呼集兼復送迎使人供擬飲食道路、發於田種使人今犹未發時節如是小遲望更過今夏至來年正月初發遣書曰萬方有罪在於一人國家但得四方

整肅何必要須罪罰 二十年正月遣大理卿孫伏伽等二十一人以六條巡察四方多所舉劾太宗命褚遂良一其類其狀以聞及是親臨決牧宰以下以能官進擢者二十人罪死者七人流罪以下免黜數百人

儀鳳二年五月河南河北旱遣御史中丞崔謚等分道存問賑給侍御史劉思正上疏曰今麥序方秋糶功未畢三時之務萬姓所先勅使撫巡人皆悚忤忘其家業莫比天恩踴躍參迎必難抑止集衆既廣妨廢亦多加以逾程往還薰之晨夕停潭既綠賑給須立簿書本欲安存却成煩擾又無驛之虞取馬稍難簡擇公私須先追集兩後農要特切常情暫廢須臾即虧歲計每為一馬遂勞數家從此相承恐更滋甚望且委州縣賑給待秋後閑時出使褒貶

垂拱元年秘書省正字陳子昂上疏曰臣伏見陛下憂勞百姓恐不得其所將降九道大使巡察天下諸州兼申黜陟以求人瘼臣竊以為未盡善也何以言之陛下所以降明使豈非欲天下黎元衆庶知陛下夙共夜寐憂勤念之陛下必若以此而發使乎則愚臣竊見陛下之使又未盡也若愚臣所請使者先當雅合時望為衆人所推慈愛足以恤孤惻矣德足以振拔幽滯剛直足以不避強禦明智足以照察奸邪然後使天下奸人畏其明而不敢為惡也天下強禦憚其直而不為過也天下英傑慕其德而樂為之用也天下孤寡賴其仁而欣戴其德也夫如是然後可以論出使故輜軒未動於京師天下翕然皆知矣今陛下使猶未出朝廷行路市井之人皆以為非在朝廷之有職者亦不稱之天子之使未出魏闕朝廷之人皆以輕之何況天下之衆哉而欲黜陟求賢未可得也陛下所以有此失者在不選人亦輕此使非天下之任故陛下遂大失于此苟以出使為名不

求任使之實使愈出而天下愈弊使弥多而天下弥不弊其故何哉是朝廷輕其任也徒使天下百姓修飾道路送往迎來無益于圣教耳臣父為百姓實委知之臣願陛下與宰相更妙選朝廷百官素有威重名節為衆所推者陛下因大朝日親御正殿集百僚公卿設禮儀以使者之禮見之告以出使之意遂授以旌節而遣之先是京師而訪豺狼然後攬轡登車以清天下若如是臣知陛下聖教不旬月之間天下家見而戶聞也此之一使是陛下為政之大端諺曰欲知其人先觀其所使不可不慎也若陛下必知不可得其人不如不出使以煩數無益於化但勞天下之人是猶烹小鮮而數撓之耳四月六日尚書左丞狄仁傑充江南安撫使吳楚多淫祠仁傑一切焚之凡除一千七百所

天授二年發十道存撫使以右肅政御史中丞知大夫事李嗣真等為之闔朝有詩送之名曰存撫集十卷行於世杜審言崔融蘇味道等詩尤著焉

萬歲通天元年鳳閣舍人李嶠上疏曰陛下創置左右台分巡天下察使人善否規風俗得失斯政途之綱紀禮法之準繩無以加也然犹有未折衷者臣請試論之夫禁網尚疎法令宜簡則事易行而不煩雜疎則所羅廣而無苛碎竊見垂拱二年諸道巡察使科目凡四十四件至于別作格勅令訪察者又有三十餘條而巡察使率是三日之後出都十一月終奏事時限迫促簿書委積晝夜奔逐以赴限期而每道所察文武官多至二千餘人少尚一千已下皆須品量才行褒貶將安欲令曲盡行能則皆所不暇此非散情於職而慢于官也實才有限而力不及耳臣望量其功程與其節度使器周于用力濟于時然後進退可以責成得失可以精覈矣

聖曆元年十月納言狄仁傑為河北河朔安撫使及迴上疏曰臣聞朝廷識者以契丹作梗始明人之順逆或有迫脅或有願泛或授偽官或為招慰或兼外賊或是土人跡雖不同心實無別誠以山東強猛由來重氣一顧之勢至死不迴近緣軍机調發傷重家道悉破或至逃亡剔屋賣田人不為售內願生計四避皆空重以官典侵漁因事而起當州後使十倍軍机官私不矜期之必取枷杖之下痛切肌膚事迫情危不修礼義愁苦之地不樂其生有利則歸且圖賒死此乃君子之媿奪小人之常行今以負罪之位必不在家露宿草行潛竄山澤赦之則出不赦則逃山東辟盜因緣聚結臣以近塵雖起不足為憂中國不安以此為事臣聞播大國者不可以小道理事廣大者不可以苛細分人主恢宏不拘常法罪之則衆情恐懼怒之則反側自然伏願曲赦河北諸州一無所問自然入神通暢率土惟心

神龍二年二月勅左右臺內外五品已上官識理道通明無屈撓者二十人分為十道巡察使二周年一替以廉按州部 景龍二年置十道按察使分察天下開元八年五月復置十道按察使以陸象先生皎等為之

開元元年二月礼部侍郎張庭珪上疏曰天下至大郡邑至多賢俊良宰誠難盡得兼下僚貪暴小吏侵漁黎庶不安窮困矣縱其發使廉問暫往速還假中今寬却招後患各思鉗口無敢率心臣竊見國家比置十道按察使不限年月懲惡勸善激濁揚清孤窮獲安風俗一变伏望復下明制重選使臣秋冬之後令出巡察自然貪吏望風懲革陛下視聽恒遍于海內矣 三年三月勅巡察使出宜察官人善惡其有戶口流散籍帳隱沒賦役不均者不務農桑倉庫減耗者妖訛宿霄姦猾盜賊不事生業為公私蠹害者德行孝弟茂才異

等藏器晦迹堪應時用者並訪察聞奏

興元三年正月詔令宜門下平章事蕭復充山南東西荆湖淮南江西鄂州浙江東西福建嶺南等道宣慰安撫使嗚呼往率乃職敬敷朕命慰勉征戍勞來困窮訪其所安察其所弊滯淹必速寬濫必申無憚幽遠而不被無忽納微而不恤

正元八年八月詔曰朕以薄德托於人上勵精庶政思致雍熙而誠不動天政或多闕陰氣作沍暴風荐臻自江淮而及乎荆湘歷陳宋而施於河朔其間郡邑連有水災城郭多傷公私為害損壞廬舍浸敗田苗或親戚漂淪或資產沉溺言念於此當食忘食宜令中書舍人美陟往江陵及襄陽隨復鄖申光蔡等州左庶子姚齊誥往陳宋亮穎徐泗濠等州秘書少監雷威往鎮冀德隸深趙等州京兆少尹常武往揚楚盧潤壽除蘇常湖等州宣撫應諸州有姓因水不能自

存者委宣撫使賑給死者各加賜物在官為收埋瘞其田苗所損委選抗使與所在長吏速具聞奏於戲一夫不獲一物失所刑罰不中賦役不均皆可以失陰陽之和致兩旱之沴繫囚及獄訴久不決者委所在長吏即與疎變務從寬簡俾絕冤滯貪官暴吏苛法害公特加懲罰用明典憲災傷之後切在撫綏咨示方鎮之臣泊乎守宰咸宜悉乃心力以恤凶災宣布朕懷使各知悉 永正元年八月詔曰理天下者先修其國，命之重寄在方鎮方鎮共理實准刈城為政繫於屬縣然則一夫之耕匹婦之織積微方著以供國計永為烝庶厥惟難哉頃年以上准祖賦役乃權稅委在藩服使其均平太上皇君臨之初務從省便遂令使府歸在中朝或恐巡按院既多職因交替新制未立舊綱已紊况河汴而東瀕海之右名都奧壤疆理接連如或徵賦不均徵輸難濟物輕貨重法弊人勞又開江淮

數道比憊時雨深憂黎庶之不足軍國之缺供政有所不宣事有所未便牧宰有課績官更有減否爰使臣申我休命宜令度支及諸道鹽鐵轉運戶部侍郎兼御史大夫潘孟陽專往宣諭慰安疲此詢訪便益蠲除疾苦安人利國稱朕意焉

元和四年正月以左司郎中鄭敬使湖南宣歙吏部郎中崔沆使浙東司封郎中孟簡使山南東道荆南湖南京兆少尹襄武使江西鄆岳等道宣抚將行並召对上告之曰朕宮中用度一匹以上皆有簿曆推拯救百姓則不計所費為卿等今者賑恤災旱當勤於奉職勿如潘孟陽所到務飲酒遊山寺而已仍許款等以便宜行事以孟簡獨衣綠遣使追賜緋袍銀魚十四年二月潘清都知兵馬使劉悟斬逆寇李師道潘青充鄆等十二州平詔戶部侍郎楊於陵於本官充潘青等州宣抚使

唐會要卷第七十八

諸使中

黜陟使

採訪處置使

五方宮苑使

皇城使

元帥

都統

節度使

都使
內軍附管

親王遙領節度使

宰相遙領節度使

諸使雜錄上 奏薦附

黜陟使

貞觀八年將發十六道黜陟大使畿內未有其人王問房玄齡此道事最重誰可充使尚書右僕射李靖曰畿內事有非魏徵莫可上曰朕今欲向九成宮亦不小朕每行不欲與其相離者迺為其見朕是必無所隱乃令李靖充使二十年遣大理卿孫伏伽等以六條巡察四



方黜陟官吏開元二十二年四月二十一日遣使以崔
翹等為之天寶五載七月遣使以度豫等為之至德二
載十二月遣使以號王等為之建中元年正月制諸道
宜分遣黜陟使觀風俗問疾苦自艱辛以來徵賦名目
繁雜委黜陟使與諸道觀察使刺史計資產作兩稅法
比來新舊徵科色目一切停罷兩稅外輒別配率以枉
法論乾元元年與採訪使並權罷至是復有之自建中
已後至今未嘗置初司封郎中韋正為山南黜陟使薦
興鳳兩相團練使嚴震理行為山南第一特賜上下考
封鄖國公在鳳州十四年能攻不替

採訪取置使

宰相張九齡奏置

開元二十二年二月十九日初置十道採訪取置使以

御史中丞盧絢等為之至三月二十三日諸道採訪取
置使華州刺史李商隱等奏請各使置印許之
二十五年于二月二十四日命諸道採訪使考課官人
善績三年一奏永為尚式至二十七年二月七日敕文
三載考績黜陟幽明允叶大猷以勸天下比來諸道所
通善狀但優仕進之輩與為選調之資責寔徇名或乖
古義自今已後諸道使更不須善狀每三年朕當自擇
使臣觀察風俗有清白政理著聞者當別擢用
二十六年三月勅諸道採訪使判官等自今已後並須
首末經三年其緣事故停不得滿年限者承優節文準
開元二十四年二月十九日勅處分二十九年七月勅
採訪使等所資按部恤隱求瘼巡撫處多事須周細不

可忽遽徒有往來亦宜準刺史例入奏

天寶九載三月十二日勅本置採訪使令奉大綱若大小必由人兼理數郡自今已后採訪使但察訪善惡奉其大綱目錄郡務所有奏請並委郡守不須干及十二載二月河南道採訪取置使河東郡太守李愷河南道採訪處置使陳留郡太守王濬等奏請依舊通前置兩員文使望以周載許依元勅酬功處分勅諸道準此黔中道各一人宜依舊定

乾元元年四月十一日詔曰近緣狂寇亂常每道分置節度其管內緣徵遣及文牒兼使命來往州縣命非不艱卓仍知加採訪轉益煩擾其採訪使置來日久并諸道黜陟使便宜且停待後當有處分其年改為察處置使觀

大曆十二年五月中書門下奏開元末置諸採訪使許其專停刺史務廢置由已請自今已後刺史有犯贓等色本道但其狀聞奏不得輒追赴使及專擅停務差人權攝其刺史亦不得輒請使出界先聞奏皆按常刑

五坊宮苑使

五坊謂鸚鵡鷹鷄狗共為五坊宮苑舊以一使掌之自寶應二年後五坊使入隸內宮苑使近又有開廡使兼宮苑之職焉

開元十九年金吾將軍楊崇慶除五坊宮苑使其後來曜牛仙客李元裕韋衛章仇兼瓊王鉉呂崇賁其輔國彭體盈藥子昂等為之

大曆十四年五月詔鷹隼豹豸獾犬皆放之時以永徽

已來單國累馴象三十有二皆養於禁中有善舞者
備元會元庭之飾因是於鷹隼之類同放之
元和二年六月勅五坊戶諸色影占者多宜令府縣收
管

三年七月五坊品官朱超宴王志忠放縱鷹隼入常安
富人家旋詣其居廣有求取上知之立召二人各答二
十奪其職自是貢鷲鳥略大者皆斥之正元末五坊小
兒張捕鳥雀於閭里者皆為暴橫以取人錢物或有張
羅網於門不許人出入者或以張井上使不得汲者近
之輒曰汝鷲供奉鳥雀即痛毆之出錢物求謝乃或相
聚飲食於酒肆醉飽而去賣者或不知就索其直多被
毆詈或時留地一囊為質曰此地所以鳥雀而捕之者

今留付汝幸善飼之勿令飢渴賣者媿謝求哀乃携挈
而去憲宗在春宮時知其弊嘗欲奏禁之及即位遂推
而行之人情大悅

十三年十月上怒五坊使楊朝汶追捕平人命殺之賈
宰相忠

皇城使

天祐三年閏十二月皇城使奏伏以皇城之內咫尺禁
圍伏乞準元勅條流鼓聲絕後禁斷之人行近日軍人
百姓更點動後尚恣夜行特乞再下六軍止絕從之

元帥

武德元年六月七日秦王世民加西封元帥上元王年
三月相王旦除涼州道元帥周王亨除洮河道元帥昇

儲後至聖曆元年九月又除河北道

元帥亦稱天罰道元帥大足元年六月相王旦除安北道行軍元帥至長安二年九月又除并州道行軍元帥自後親王為卸者甚多其元帥之號自武德已來唯王唯始拜至天寶十五載正月哥舒翰除諸道兵馬元帥始臣下為之乾元二年三月郭子儀除山南東道拜河南道諸道節度防禦兵馬元帥後上元二年七月李光弼除淮南河南淮西山南東道荆南五節度元營元帥此元並副元帥也

至德元年以廣平王為天下兵馬元帥統大軍東征以子儀為副

其載九月吏部尚書平章事房琯抗請兵一萬人自為

元帥以收兩京詔許之以兵部尚書王思禮為副分為三軍使楊希文將南軍自宜壽入劉貴總將中軍自武功入李光進將北軍自奉天入而琯以中軍為降帥次便橋二軍先遇賊戰於陳濤王師敗績時琯以車二千乘以馬步夾之為乘車之戰賊順風揚塵鼓噪牛皆振駭因縛草縱火焚之人畜大亂故敗琯自將南軍又戰不利楊希文劉貴悉降於賊琯幕府偏裨等奔赴行在由袒請罪詔並宥之

四載九月以舒王謨為揚州大都督持節充荆南襄江兩鄂等道節度諸軍行營兵馬都元帥仍賜名諡改封晉王大開幕府文武僚屬之盛前後出師未見其比天福三年三月以輝王祚為諸道兵馬元帥其年十二

月十三日勅國史所書元帥之任並以天下為名乃自
近年談為諸道宜却復為天下兵馬元帥

都統

乾元元年十二月戶部尚書李峘除都統淮南江東江
西節度宣慰觀察處置等使都統之號始於此

上元二年八月李若幽除戶部尚書充朔方鎮西北庭
興平陳鄭等九節度行營兵馬及河中節度都統處置
使

建中元年十二月以汴州節度使李勉充河南汴州宋
滑毫河陽等道都統使

元和四年九月以邠寧虔三州節度高崇文充西京都
統

大中五年五月以特進守空蕪門下侍郎平章事白敏
中充邠寧節度使招討南山平夏党項兵馬都統取置
等使

元和四年九月以宣武軍節度韓弘充淮西諸軍行營
兵馬都統

乾符五年黃巢大掠江淮宰相王鐸進奏曰臣忝宰執
之長在朝不足分陛下之憂願自帥諸軍盪滌群寇朝
議然之乃拜守司空平章事荆南節度使諸道行營兵
馬都統其年以鎮海軍節度使高駢為諸道行營兵馬
都統

中和二年復以宰相王鐸為京城四面諸道行營兵馬
都統以崔安潛副之至大順元年五月以宰臣張濬為

京東北面兵馬都統

節度使每使管內軍附

武德元年因隋舊制呼為大總管其年六月七日諸州總管加號使持節至七年二月十八日改大總管為大都督

貞觀三年八月李靖除定襄道行軍大總管貞觀三年已後行軍即稱總管本道即稱都督永徽已後除都督帶使持節即是節度使不帶節者不是節度使景雲二年四月賀拔延嗣除涼州都督充河西節度使此始有節度之號遂至於今不改焉

朔方節度使開元元年十月六日勅朔方行軍大總管宜準諸通例改為朔方節度使其定遠豐安軍西中城

單于豐勝夷夏監銀匡長安樂等州並受節度至十四年七月除王駿帶關內度營田等使十五年五月除蕭嵩又加監池使二十年四月除牛仙客又加押諸蕃部落使二十九年除王忠嗣又加水運使天寶五載十二月除張齊立又加管內諸軍採訪使已後遂為安額豐安軍在靈州黃河西去郡一百八十里

定遠軍在靈州北二百里先天二年正月郭元振置

貞觀十三年三月十五日置朔使以護突厥即舊朔方節度之號

河東節度使開元十一年以前稱天兵軍節度其年三月四日改為太原已北諸軍節度至十八年十二月宋之悌除河東節度已後遂為定額大同軍置在朔方州本大武軍調露二年裴行儉改為神武軍天授二年改為

平伏軍大足元年五月十八日改為大武軍開元十二年三月四日改為大同軍橫塞軍初置在飛狐復移於蔚州開元六年六月二十三日張嘉正移於右代郡大安城南以為九姓之授天寶十三載十二月一日改為大德軍岢嵐軍武德中為鎮永淳二年改為柵隸平狄軍長安三年李迥秀改為軍張仁置移軍朔方留一千人充守捉屬大武軍開元十二年崔隱甫又置軍十五年李嵩又廢為鎮其後又改為軍
天兵軍聖曆二年四月置大足元年五月十八日廢長安元年八月又置景雲元年又廢開元五年六月二十四日張嘉正又置十一年三月四日改為太原已比諸軍節度使

清塞軍正 十五年四月以清塞城為軍

開元九年十一月四日一河東河北不須別置支度並令節度使自支度

隴右節度使開元元年十二月鄯州都督陽矩除隴右節度自此始有節度之號至十五年十二月除張志亮又兼經畧之度營田等使已後為定額臨洮軍置在狄道縣開元七年移洮州縣就此軍焉

河源軍置在遑州東西又云本道充國亭侯也

白水軍開元五年郭知運張懷亮置

安人軍置在星宿州鄯州西北界開元七年三月置積石軍置在廊州達化縣西界本吐谷渾居地貞觀三年吐谷渾叛置靜邊鎮儀鳳二年置軍額焉

英門軍置在洮州儀鳳二年置軍開元十七年洮州移隸臨軍百姓隸岷州置臨州三十年七月又改為洮州今為臨洮軍是也

振武軍置在鄯州鄯城縣西界吐蕃鐵仞城亦名石堡城開元十八年三月二十四日信安王綬之置四月改為鎮振武軍二十九年十二月六日蓋嘉運不能守遂陷吐蕃天寶八載六月哥舒翰又拔之閏六月三日改為神武軍威戎軍置在鄯州界開元二十六年五月杜希望收吐蕃新城置北軍鎮西置在河州開元二十六年八月置

神策軍天寶十三載七月十七日隴右節度哥舒翰以前年收黃河九曲請分其地置洮陽郡內置軍焉以成如為璆為太守久神策軍使去臨洮軍二餘里

宛秀軍同前年分九曲置澆河郡內置軍焉以臧奉忠為太守充軍使保義軍元和元年二月改隴右經畧使為軍

河西節度使景雲二年四月賀拔廷嗣為涼州都督充河西節度使自此始有節度之號至開元二年四月徐陽執一又兼赤水九姓本道支度營田等使十一年四月餘張敬忠又加經畧使十二年十月除王君奭又加長行轉運使自後遂為定額也

赤水軍置在涼州西城本赤烏鎮有泉水赤因以為名武德二年七月安修仁以其地來降遂置軍焉軍之大者莫過於此

新泉軍大足元年郭元振奏置開元五年改為守足使
天斗軍本是守足使開元十六年改為天斗軍焉
建庫軍置在甘肅二州界證聖元年王孝傑開西鎮迴
以兩州界閣遠置此軍焉

寧寇軍舊同在城等定捉天寶元年五月五日遂置焉

王門軍本廢王門縣開元六年置軍焉

墨離軍本是月支舊國武德初置軍焉

豆盧軍置在沙州神龍元年九月置軍

白亭軍天寶十四年正月三日置

開元十四年三月二日勅河西長安行轉運九姓即隸
入支度使宜加之度判官一人

安西四鎮節度使開元六年三月楊嘉惠除四鎮節度

經畧使自此始有節度之號十二年已後或稱磧西節

度或稱四鎮節度至二十一年十二月王斛斯除安西

四鎮節度遂為定額又先天元年十一月史獻除伊西

節度兼海軍使自後不改至開元十五年三月又分伊

西北庭為兩節度至二十九年十月二十九日移隸伊

西北庭都屬四鎮節度使至天寶十二載三月始以安

西四鎮節度封常清兼伊西北庭節度瀚海軍使

伊吾軍本昆吾國也置在伊州景龍四年五月置

天山軍置在西州漢車師前王故國地形高敞改名高

昌貞觀十四年置瀚海軍置在北都護府本烏孫王竟

也貞觀十四年置庭州文明元年廢州置焉長安二年

十二月改為炆龍軍三年郭元振奏置瀚海軍大軍並

在碎葉城范陽節度使先天二年二月甄道一除幽州
節度經畧鎮守使至開元十五年十二月除李尚隱又
帶河北支度營田使二十七年十二月除李適之又加
河北海運使天寶元年十月除裴寬為范陽節度使經
畧河北支度營田河北海運使已後遂為定額

經畧軍置在范陽城內延載元年置
漁陽軍在幽州北盧龍石塞開元十九年九月十七日
改為靜塞軍清夷軍垂拱二年媯州刺史鄭崇古奏置
威武軍大足元年置在檀州開元十九年九月二十七
日改為威武軍北平軍在定州西三里

恒陽軍恒州郭下

高陽軍本瀛州開元二十年移在易州

唐興軍在莫州

橫海軍在滄州並開元十四年四月十二日置各以刺
使為使

懷柔軍在蔚州界先天元年八月八日置

鎮安軍正元二年四月二十二日於燕城守捉置
懷遠軍在故遼城天寶二年二月安祿山奏置焉

平盧軍節度使開元七年閏七月張敬忠除平盧軍節
度使自此始有節度之號八年四月除許斂琰又帶管
內諸軍諸蕃及支度營田等使二十八年二月除王斛
斯又加押兩蕃及渤海黑水等四府經畧處置使遂為
定額

平盧軍在柳城本古在遼西之地

盧龍軍置有北平即古孤竹國天寶二年置
開元十三年三月二十日勅平盧軍幽州太原朔方河
西隴右劍南等七道節度使宜各置本契行勅
劍南節度使開元五年二月齊景冑除劍南節度使支
度營田兼姚雋等州處置兵馬使因此使有節度之號
至八年除李濬始下兼兵馬使二十七年章仇兼瓊又
兼山南西道採訪使其後或兼或不兼無定制至上元
二年二月分為西川廣德二年正月八日為合一道大
曆二年正月二十日又分為兩州至今不改正元十一
年九月韋臯為節度就加統捍近界諸蠻兼西山八國
雲南安撫等使
天寶軍置在雍州開元二十九年置

洪源軍置在黎州

漢黎郡也開元三年置軍

昆明軍置在嵩州開元十七年十一月置

嶺南節度使至德二年正月賀簡進明除嶺南五府經
畧兼節度使自此始有節度之號已前但稱五府經畧
自此遂為定額又云杜佑為嶺南節度使德宗興元朝
庭故事執政往往忌舊日嶺南節度常兼五管經畧使
佑獨不兼蓋一時之誤其後遂不帶五管畧名月至咸
通三年五月分為兩節度以廣州為嶺南東道邕州為
嶺南西道

清海軍大寶元年置在思州

柔遠軍正元七年三月二十三日置

淮南河南江東道乾元元年三月六日置節度使

鎮州節度使大曆十四年四月名其軍曰成德至祐二
年九月故為武順汴宋毫節度使建中三年二月二日
名其軍曰宣武

浙江節度使建中二年六月浙江東西節度使尋改為
鎮海軍以團練為節度從理潤州元和五年十一月團
練使奏丹陽軍北因置節度改為鎮海今請依前置鎮
海軍從之

滑州節度使正元二年五月罷滑州永平軍其年四月
名其軍曰義成淮西節度使正元二年二月改淮西節
度為淮寧軍

申光蔡等道節度使正元十四年正月名其軍曰彰義
易定節度使正元十五年三月滿城縣置永清軍建中

三年五月名其軍義武

安黃節度使正元十九年二月名其軍曰奉義

陳許節度使正元二十年四月名其軍曰忠武

徐州節度使正元二十一年三月名其軍曰武寧至咸

通四年四月降為支郡隸兗州至十一年十一月改為

感化軍

劔南節度使元和二年二月改天威軍名曰天征軍

荆南節度使元和六年八月勅制荆南是賦稅之地與
關右諸鎮及河南河北有重兵處體例不同節度使之
外不合更置軍額因循已久煩弊實深綬所請停永安
軍額宜依其合收錢米委嚴綬于當府諸縣蠲除不支
濟人戶均減訖聞奏

天平軍節度使元和十四年三月平李師道以所管十二州分三節度馬摠為天平軍節度王遂為兗海所密節度薛為平盧軍節度仍加押新羅渤海兩蕃使仍舊為平盧軍賜兩蕃使印一面

河陽節度使會昌四年十月平積以河陽三城鎮道使為孟州號河陽軍額擇二州隸焉

歸義軍節度大中五年八月沙州刺史張義潮以瓜沙伊肅等十一州戶口來獻自河隴陷蕃百餘年至是悉獲故地乃以沙州為歸義軍授義潮節度使 戎昭軍節度使天佑二年九月以金用置軍額三年四月復以為州

義昌軍節度使大和五年正月以滄景德州號義昌軍

山南東道節度使乾元元年置節度元和十年十月分為兩節度以戶部侍郎李遜為襄復鄧等節度使右羽林大將軍高霞寓為鄧等州節度使景雲二年正月二十九日勅諸寧特節度除緣兵馬外不得別理百姓訴訟事元和六年十月詔曰朕於百執事群有司方澄源流以責寔効其諸道都團練使足脩武備以靜一方而別置軍額因加吏祿亦既虛設頗為浮費思去煩以循本期省事以便人潤州鎮海軍宣州採石軍越州義勝軍洪州南昌軍福州靜海軍等使額並宜停所收使以下俸科一事以上各委本道充代百姓闕額兩稅仍具數聞奏庶我愛人之心不至於惜費立制之意必在其正名

十三年二月襄陽節度使李勣奏請判官大將已下一百五十員上不悅謂裴度曰李勣誠立奇功然奏請過當遂留中不下其年七月詔曰事關軍旅並屬節制務擊州縣悉歸察廉二使所領十曰管轄諸道度支營田承前各別置使自艱虞以復各置因循方鎮除授之時或有兼帶此職遂領剛自所在各殊今者務脩舊章思一法度去煩就理衆心為且唯別置營處其使且令仍舊其忠武鳳翔武寧魏博山南東南橫海邠寧義成河陽等道度支營田使及淮南度支近已定省其餘諸道並準此處分初景雲開元開節度度支營田等使諸道並置又一人兼領者甚少艱難以未優寵節將天下擁旄者常不下三十人例銜節度度支營田觀察使其邊

界藩鎮增置名額者又不一前後六餘年雖嘗增減官員及使額而支度營田以兩河諸將兼領故朝廷不議停廢至是群盜漸息宰臣等奏罷之

乾符三年以宰臣鄭從謹為北京留守河東節度使詔許自擇賓佐

親王遙領節度使

貞觀三年正月蜀王恪除使特節大都督益綿邛綾眉雅等八州諸軍事益州刺史越王泰除使特節大都督揚州常和潤楚舒盧濠壽歙蘇杭宣東睦南和等十六州諸軍事揚州刺史

開元四年正月二十九日鄭王嗣直除安北大都護充安撫河東開內隤右諸蕃部落大使陝王嗣昇為西都

護仍充河西道及四鎮諸蕃部
落大使安北大護張知
運為副都護親王遙領節度
自茲始也其在軍節度即
稱節度副大使知節度事
十五年五月以慶王渾為涼
州都督兼河西節度大使忠
王俊為單于大都護朔方
節度大使棣王洽為太原已
北諸軍節度大使鄂王洸
為幽州都督河北節度大使
營王滉為京北牧隄節度
大使光王浚廣州都督五府
節度大使儀王澠河南牧
隸王雲安東都護平盧節度
大使永王澤荊州大都督
壽王法益州都督劍南節度
大使延王泗安西大都護
磧西節度大使盛王沐揚州
大都督
建中元年八月以舒王謹為
涇原節度大使
正元四年七月以慶王諒為
光隨察節度觀察大使

七年七月以邕王諱為義武軍節度苟定等州觀察使

九年十二月以通王檢名不獲為宣武軍節度使

十年七月復以邕王諒為昭義軍節度使

十一年五月復以通王為河東節度大使北都留守

十六年九月以開府儀同三司處王諒為除州節度大

使現察支度營田等使

元和二年八月以建王審為鄆州大都督平盧節度現

察等使陸運海運押新羅兩蕃等使

九年三月以遂王宥開儀同三司光彰義軍節度管內

營田中光蔡等州觀察處置等使

寶曆元年十二月以晉王普為昭義軍節度副大使知

節度事以劉悟子前將作監主簿滋諫為節度副後

大和八年十二月以通王為幽州經畧盧龍軍節度副
大使知節度事以勾當幽州兵馬元忠為留後
開成五年十二月以福王綰開府儀同三司行魏州大
都督充魏博等州節度觀察處置等使
會昌二年正月以抚王紘開府儀同三司行幽州大都
督充幽州盧龍軍節度觀察處置押奚契丹兩蕃經畧
盧軍龍等 四年十一月以皇子鄂為開府儀同三司
朔方軍節度副大使知節度事時以党項叛命故以親
王制之

大中十一年以昭王洄為開府儀同成德軍節度副大
使知節度事以佐司馬王紹知成德軍兩使留後
咸通十年十二月以蜀王佶為開府儀同三司劍南西

川節度副大使知節度使以盧耽知西川事

乾符四年正月以壽王傑為開府儀同三司幽州經畧
盧龍軍節度副大使知節度事以李可舉知幽州兵馬
事

宰相 領節度使

開元十五年十一月兵部尚書河西節度副大使知節
度事蕭嵩除同中書門下平章事節度如故宰相遙領
節度使自茲始也至二十六年正月中書令李林甫遙
領隴右節度天寶十載十一月楊國忠又遙領劍南節
度蕭嵩以牛仙客為留後李林甫以杜希望為留後楊
國忠以蔡崔圓為留後

諸使雜錄上 奏附

貞觀元年四月發諸道簡點使盛亨三年十二月領下
簡點格其年五月十一日勅中書門下兩省供奉官及
尚書省御史臺見任郎官御史自今已後請便不得奏
請任使永為常式二年三月十一日關內道覆囚使邵
師德等奉辭上謂曰州縣諸囚未斷甚廢田作令遣爾
等往之非遣殺之無濫刑也至開元十年十月宇文
融除殿中侍御史充覆囚使
儀鳳二年十二月二十七日詔宜令關內河東簡練有
膂力雄果者即以猛士為名
三年正月二十五日遣左金吾將軍曹懷舜李知十等
分往河南河北以募猛士
萬歲通天元年九月令山東近境州置武騎團兵至聖

曆元年臘月二十五日河南河北置武騎團以備點噉
每一百五十戶共出兵十五人馬一疋
先天二年正月十五日詔往者計戶充兵使二十二
人募六十出軍既憚劬勞咸欲匿不有釐革將何致理天
下衛士取年二十五已上充十五年放出頻經征鎮者
十年放出自今已後羽林飛騎先於衛士中間擇
長壽三年正月許諸州大都督及上州刺史大都督府
長史諸軍經畧鎮守大使一子為宿衛官
開元十年六月七日勅支度營田若一使專知宜同為
一額共置判官兩人十一年二月二十九日勅同華兩
州精兵所出地資輦轂不合外支自今已後更不得取
同華兵防容其休息

二十一年正月二十四日勅令百寮尋勝因置檢校尋
勝使以厚其事天寶七載十一月給事中楊釗充九成
宮使其使及水炭使並是岐州刺史勾當入釗至是移
健兒兩京太倉嘉倉出納召募河
西隄右健兒催諸道租庸等使
蘇氏駁曰九寺三監東宮三寺十二衛及京兆
河南府是王者之有司各勤所守以奉職事尚
書舊章立程度以頒之御史臺按格令株姦濫
以純之中書門下立百司之骸要察羣吏之能
否善績著而必進敗德聞而且貶政有恒而易
為守事歸本而難夫經遠之理拾此奚據拍姦
臣廣言利以邀恩多立使以示寵尅小民以厚
歛張虛數以獻狀上心蕩而益人望怨而成禍

使天子有司守其位而無其事受厚祿而虛其
用宇文融首昂其端揚奢於其鉅繼遵其執揚
國忠成其亂仲尼云寧有盜臣而無聚歛之臣
誠哉是言前車既覆後轍亦改求化本不亦難
十二載十二月二十二日左相陳希烈充秘書省圖書
使

十四載十一月安祿山叛命諸州當賊衝者始置防禦
使至寶應元年五月十九日停諸州防禦使
乾元二年七月九日勅宜令御史大夫充曠騎使令御
史充判官廣德二年九月以太子詹事李崑為江南東
西及福建等道知選事并觀農宣慰使
大曆十二年五月十日中書門下狀奏諸州團練守捉

使請一切並停其刺史自有持節諸軍旅司馬即同副使之任其判司既帶叅軍事望今司兵判兵司按司倉判軍糧按司事判甲仗案具兵士量險隘召募謂之健兒給春冬衣并家口糧當上百姓名曰團練春秋歸冬夏追集曰給一身糧及醬菜其月十七日諸道先置上都留後使宜令並改為上都進奏縣官十三日諸道觀察都團練使判官各置十人吏使一人推官一人餘並停

十四年二月四日勅請都諸道上都知進奏院官自今已後並不須與正官

六月二日勅即官御史充使絕本司務者宜改與檢校及內供奉裏行其月五日勅御史中丞董晉中書舍人

薛蕃給事中劉廼宜充三司使仍取右金吾廳一所充使院并於西朝室置幕屋收詞訟至建中二年十月傳命中丞刑侍郎大理卿屋謂之大三司使文又以刑部員外郎御史大理寺官為之以次疑獄謂之三司使昔日事畢罷

建中二年正月二十五日潭開宜依舊置防禦使二月十八日却置京畿觀察使以御史袁高充使

三年九月九日御史中丞楊瑱奏見任官或被諸司不奏使移文牒充判官伏請自今已後應見任州縣正官不丞制勅差補不得輒離任勅旨依焉

其月二十三日停建中元年四月一日門下侍郎楊炎充刪定格式使

五月日刑部侍郎蔣况充副使二年七月中書侍郎張

鎰與盧杞同充格式使宜令刑部長官知其使停
正元三年三月二十三日勅杜亞宜兼充管内營田使
其楚州營田使宜停四年二月勅諸道幕府判官及諸
軍將比奏改官例多越超應從散慢入清望官並折資
處分

十三年六月如劍南西山運糧使檢校戶部員外郎韋

肇兼御史大夫

員外兼大夫新例

十四年六月罷宣歙池三州鄂岳沔三州都團練觀察
使陝虢西州都防禦觀察使以其地分隸諸道置東畿
觀察以留臺御史中丞為

十六年十二月勅諸道觀察都團練防禦及支度營田
經略招討等使應奏副使行軍判官支使泰謀掌書記

推官巡官請改轉臺省官宜三周年以上與改轉其緣
軍務急功事跡殊常即奏聽進旨

元和二年正月鄂岳等州觀察使呂元膺奏新妹塔京
兆府縣陽尉馬逢授試大理評事充當兆觀察支度使
為憲同所劾密親佐幕有虧典法勅諸使府參佐檢校
釋元膺之罪時咸非之

七年七月勅諸使府參佐檢校應試官員日計如是五
品已上官及臺省官經三十箇月外任奏與改轉餘官
經三十六箇月奏改如經考試有故事故及停替官本
限之外更加十箇月即往申奏送之

十三年二月浙東觀察使蓋簡授代詔書到日授故事
署留後而行及常州堂牒勅還舊鎮待副使事而後行

初李修授浙西觀察使中謝日請留所替以待交割使事至是因舉為非舊制也

十三年七月以宣歙觀察使事至事因舉王遂為淄清四面行營供軍使

其年九月詔諸道新授節度觀察經畧等使自勅出後使未到以前或前使尚在本鎮或已發差知劉務軍等官其軍府職員多停省改易自今以後切令禁止縱先有此色新使道到並令仍舊

十四年二月詔諸道節度使團練都防禦經畧等使所管諸郡除本州軍事外別置鎮遏守捉兵馬者並令屬刺史等本州團練鎮遏等使其兵馬名額便隸此使如無別使即屬軍事其有違於溪洞接連蕃蠻之

處建城鎮不關州郡者即不在此限自朔唯以來天下有軍如將之叔尤

重遂於所管州郡

其月山南東道觀察使孟簡舉均州鄖鄉縣鎮遏兵馬使趙絜充本縣令有紊條章罰一月俸料

其年四月命中官五人為京西和糴使諫議大夫鄭覃右補闕高錢等同以疏論上覽之即日罷其使

其年八月以侍省姚文壽充京西京北行營宣慰計會使六月制以左金吾衛六將軍胡証充京西京北巡邊使所經過州鎮與節度防禦使刺史審商量利害具事實聞奏因程异之請也七月罷晉州防禦使八月浙東觀察使薛戎奏準勅諸道所管支郡別置鎮道守提兵馬者宜並屬刺其邊徼溪洞接連蠻夷之處時建城鎮

者則不在此限合當道望海鎮明州去七十里餘俯臨
大海東與新羅日本諸蕃接界諸據文不屬明州許之
十五年十二月中書門下奏因外六品已下正員官諸
道諸使奏充掌職比限兩考及授官經二年已上方許
奏請然與依資改轉有才在下位者不免留滯請今後
諸道諸使應奏請正員官充職掌經一周年即與依資
改轉未一周年者與同類試官從之舊制使府判官二
計三考謂之得資與同類試
官今不依舊典物議非之
長慶三年三月勅諸道軍府大將帶監察已上官者三
周年與改轉如是加勅合非時與改者不在此限其大
將未曾奏官者即亦仰奏焉

四年二月勅諸道節度使去任日宜準元和十五年七

月十五日勅處分其交割狀限新入到任後一個月內
分析聞奏并報中書門下據替限委中書門下據報狀
磨勘聞奏以憑殿最

寶曆元年十二月江西觀察使殷省奏管内州縣官大
半勾當留在京師職掌當道兩稅外又有旨支米見在
官稅兩充細者今請下有司上於五員從之仍勅諸道
准此

唐會要卷第七十八



臺灣國家圖書館, NATIONAL CENTRAL LIBRARY, TAIWAN, R.O.C.

唐會要卷第七十八
目錄
卷七十八

唐會要

第二十冊

臺灣國家圖書館, NATIONAL CENTRAL LIBRARY, TAIWAN, R.O.C.



唐會要卷第七十九

諸使下

諸使雜錄下

謚法上

諸使雜錄下

大和二年六月中書門下奏諸道觀察等使奏請供奉
官及見任郎官御史充幕府正元長慶已有勅文近見
因循多潤守然酌時議餘事在變通如或統帥專征特
恩開幕戎府初見軍幄籍才事閔殊私別聽進止此外
一切請准前後勅文處分勅旨負依

三年七月勅諸道進奏官等書例多是本道差文武職
掌官充自後遂有奏帶正官者近日又有請兼檢校官



及憲官者遞相授引轉無章程自今已後更有奏請帶
正官不得兼檢校官及憲官如準諸道諸使職掌官例
諸檢校官及兼憲官充則不得帶正員官其見在進奏
官已有檢校官兼憲官者且聽仍舊至改轉時商量處
分其年十二月中書門下奏伏準五月八日勅節文諸
道諸使奏判官所奏雖官資相當並請限曾任正官經
六考以上者比擬監察侍御史九考以上者與比擬殿
中侍御史以上節級各加三考如曾諸色登科超資役
官者不得在此限所奏憲官特置考限今防僥倖深合
至公然節文之中或有未盡臣等再商量如京六品以
上清資官并兩府判官及士出身平判入等諸色登科
授官又不在此限其在使府已監察已上者亦任準元

和七年八月二十二日勅節文依月限處分餘望準前
勅施行依奏四年四月中書門下奏自元年以來頗有
計代諸道薦送軍將其數漸多臣等商量應諸道軍將
官至常侍大夫職兼知兵馬使都押衛功績顯著本道
官職可莫者即任薦送其餘官職未高才能可錄所在
軍鎮合驅使自今後軍官未至常侍矣職兼都虞侯都
知兵馬使都押衛者不在薦送限但仰本道節使者其
功績顯著與改轉職已至高者檢校官兼官宜與奏改
如有功績殊允合不次超擢者即任別其事跡聞奏亦
不在便薦送限又應諸方鎮或因移易停罷其使隨從
元從軍將只合本道量才驅使不情願住者一任東西
不合更來朝廷別求僥倖勅旨依奏

其年五月勅置疎史因徒使以清強御史二人為之應
京城諸司見禁因徒宜令疎史處分具輕重聞奏其
月勅西去兩京兆遠唯管一郡分置廉本因艰难若四
方少事則舊制為便其都防禦觀察使額宜停所管兵
馬使屬本州防禦使五年十月勅樓煩監杖及造水
等使宜共置判官一員巡官一員六年十二月勅隴
州防禦使宜準長慶二年九月十八日勅例置判官一
員其兵馬留後判官勅停九年五月中書門下奏準
大和七年七月十四日勅諸道進奏官令揀擇清慎人
充非因過犯不得停罷如方鎮自要腹心委寄任於本
道差見仕官充又準太和元年九月十九日勅不許授
別官今日以後並請準元和勅處分如邊上無俸料處

只得授近處官亦不得占江淮好闕其新進奏官仍須
守職二年復無敗闕方得奏官勅旨依奏其年十二
月左僕射合諸道奏諸節使新授具帑抹帶器仗省中
叅辭兵部尚書侍郎者伏以軍國異容古今定制苟不
由舊新改常未聞省閣之門恕入弓刀之器伏請停罷
如須叅謝任具公服到本州縣後交罰兵馬實中奏從之
開成元年十一月中書門下奏準太和十一年七月二
十六日勅諸道節度使下都押衙都虞候約五年以上
方得改轉押衙兵馬使約七年以上方得改轉三萬人
以上軍兵每平許奏四人其序遷合與憲官者以曾歷
兩任奏授賓詹者與監察以次遷序止於侍御史其御
史中丞以官並須因元戰功方得奏請諸道團練下萬

人以上軍所奏不改過殿中侍御使如未有憲官者不在奏限万人以下軍不因戰功並不得奏論請勅旨依奏二年十二月中書門下奏諸道節度使觀察都團練使請朝官任使準正元二年勅中書門下有供奉官及尚書省御史臺見任郎官御史諸司諸使並不得奏請任使伏以周之列國咸有命卿漢代諸侯皆建傅相蓋以崇重五爵施之寵榮賈生為傅於長沙管仲讓王之上礼出其廷彥且命為卿經史垂文古制斯在况正元之知戎鎮之事比於今日頗謂不同聖朝授任惟公惟才是急實諸上介悉欲文行命則稍重而又才人涉歷練達武經出入往來便堪獎用是朝廷之所利誠方鎮之得人希古濟今匪宜專怯酌於臨事可否在茲臣

等商量諸節度觀察都團練使朝中素有相知者許奏一人軍副使童服準大和三年五月八日勅如素無相知不奏亦聽其方鎮帶相及自廟堂平章事出鎮者任約舊例奏署庶使藩方益重誠任程才其今日以前應奏署勅已行者雖聞前勅人數至少式遵成命唯又追移伏請自此如後不得違越勅旨依奏三年四月中書門下奏宰相帶平章事出鎮應朝官充使府職事任約舊例署庶使藩方益事委任程才謹詳勅文意在明許亦不定言人數及所請職名臣等商量起今已後宰相自朝廷出鎮奏請朝官及刺史佐幕前後更五人數內有遷轉停罷者或須填贖任更奏來如或辟用他官不奏亦得官至侍御史以上者即許奏章服便為例庶

可通行勅旨依奏。四年六月中書門下奏諸道節度使叅佐自副使至巡官共七員觀察使從事又在數內雖大藩雄鎮有藉才能而邊鄙遐方豈易供給况行軍之疏本繫出師叅謀之職尤其是冗長其行軍司馬及叅謀望勒停有見任人加本道有相當職負任奏請改轉其餘官序稍高者許隨表赴京到日量才獎卹御史以下各合冬薦節度判官舊額雖有兩員近日請諸道亦不盡置起今已後望以一員為定其課料等本是供軍數內戶部不可更收勅旨依奏。七月初諸道門入仕人數轉多每年吏曹汪擬無闕唯河北諸道何東澤路劍南三州京比西員官數多假攝之中實有勞効每年許奏三人兩仍項是元額闕不得替見任人得奏入。

會昌三年四月勅諸道節度使觀察使後發期宜令不得過十日。其年五月勅比來節將移改隨從將校過多非唯妨奪舊人職員兼亦費用軍資錢物節度使移鎮軍將至隨身不得六十人觀察使四十人經畧都護等三十人宜委監察軍使及知留後判官具陝名奏如違此數知留後判官量如懲罰監軍使別有處分自今以後節度使等如罷鎮赴闕應將官吏將健隨赴王都者並隨使停解縱有帶憲官充職亦勒停其間或有是功勳重臣舊將校人數稍多者離鎮後新停解即須具人數聞奏當與量事宜處分。四年二月御史臺奏準會昌三年十一月十三日勅諸道奏官或有一人兼知四五道奏進兼並貨殖頗是倖門因緣交通為弊日甚

向後兼知不得過兩道以上者各委本連差替聞奏仍
委臺司糾察如有違犯必議重懲者有又兼知三四道
者臺司檢勘並已各牒本道準勅差替訖切慮改名補
職不離一家元是本身虛立名姓伏請從今已後如知
兩道奏進外一家之內父子兄弟吏不得知請道奏進
如有違犯臺司準前察防勅旨依奏 五年六月勅諸
道所奏幕府及州縣官近日多御鄉貢進士奏請此事
已曾釐革不合因循且無出身何名八任自今以後不
得更許如此仍永為定制 其年九月中書門下奏條
流諸道判官員額西川審有十二員望留八員節度副
使判官掌書記現察判官支使推官雲南判官巡官淮
南河東舊額各除向前職額外淮南留營田判官河東

留守判守官幽州淄清舊各有九員望各留七員幽州
除向前職額外留盧龍軍節度推官淄清除向前
職額外留押雜羅渤海兩藩巡官山南東道鄭滑河陽
京南汴州昭兼鎮州易定鄆州魏博滄州除陳計徐州
兗海鳳翔山南西道東州涇原邠寧河中嶺南已上旧
各有八員望各留六員節度副使判官掌書記推官現
察判官支使振武靈並夏州鄜坊舊各有八員緣邊土
地貧望各留五員節度副使判官掌書記推官現察判
官浙東浙西宣歙湖南江西鄂岳福建以上舊各有六
員望各留五員團練副使判官現察判官支使推官黔
中舊有十員望各留六員經畧副使判官招詞判官觀
察判官度支鹽鐵判官東都留守陝府舊有五員並望

不減天德旧有三員亦望不減司州旧有四員商州兩員並望不減防禦副使華州泗州各有兩員並望不減楚州壽州各有三員壽州望減團練副使一員楚州望減營田巡官一員汝州鹽州隗州舊各有一員望不減桂管舊有六員望減防禦巡官一員容管舊有五員望減招討巡官一員延州旧兩員亦望減防禦准官一員樓煩龙陂旧各有兩員望各減巡官一員右奉圣旨令商量減諸道判官納以六員為額者臣等商量須擬旧額多少准于一例停減今據本鎮額量減數亦非少仍望令正職外不得更置攝職仍令御史臺及出使郎官御史專加察訪勅旨依奏

大中二年七月中書門下奏黔中鹽鐵使判官開成中已停減不置臣等商量望黔中置經畧推官一員其鹽鐵判官望令依舊額却置勅旨宜依 其年十月中書門下奏服以銀青借兼檢校賓客官及朝散大夫階並三品資歷白身不合虛監奏官近年諸司使多虛監此色頭御奏請授官求中上州長馬及上州判司踰濫僥倖莫甚於此臣等商量自今已後諸司諸使應合奏授正官者並不得虛御前件官階奏請如是長不守章程依前論請奏聽進士具諸道差知道奏官亦望准此處分勅旨依奏 三年三月中書門下奏伏準大和六年六月御史臺奏本置官員籍其仕守吏曹注擬皆是職司况調送須有出身合年十五以上比及於選入以十年則二五足可以為成人矣今則皆稱年小奏請均當

所在相承積習成例若實年小即不合早補身名若補
實當年又何慮為官不了今請諸道方鎮子孫應選授
及奏授官一切勒歸本任不得輒有奏留如或恩出殊
常賜及一子者年十三以下即任奏聽進旨奏勒宜依
者臣等謹詳勅前約勒非不丁寧近日不守勅文例皆
請奏臣等商量自今已後諸道節度觀察防禦經畧等
使如或特降恩賜制及一子官年十五以下者即望許
奏請勾當留除外其餘並望準前勅處分其見在十年
進馬者並準今年三月三月勅處分其年四月勅如聞
朝臣出使外藩皆有遺賂是修敬上之心或少或多號
為人事送前如此率為常例今邊上受命抚戎類須發
使若每使許循舊例則十方竟至困窮如是前不與編

欄又使臣難為辭拒其出使朝廷邊上一物已上並不
得受領却到京後方鎮亦不得輒寄附其年五月勅藩
鎮改移見在倉庫錢穀既已得替使屬新人向前曾有
勅文更給留別歲月深久官吏因循苟循軍情不守朝
典自今以後節度觀察使除替改更不在給留別限仍
勒知後判官及本曹官典功加檢舉如有違越當重科
懲 五年十月中書門下奏伏見諸道及州府如縣令
錄事參軍有闕及見任官公事闕敗切要替換即事各
舉所知聞奏及洎蒞官曾有課績處已必能清廉如論
薦不當舉主先議懲殿其判司參軍文學縣尉丞簿等
不奏限其河東潞府邢寧涇原靈武振武鄜坊滄德易
定夏州三川等道或道路懸遠或俸料單微每年選人

多不肯受若一例不許則都俸不在給留別限仍勒知
後判官不許則都無正官今請前件數道除縣令錄事
叅軍外其判司縣尉丞簿每年豐許奏三員湏是元額
闕不得替考深入其闕一年吏部不注即注且差攝二
年吏部不注然後許奏請仍資序不得超越如是散試
及外身不得奏第二任官其京百司除帶職事外不在
更奏官限勅旨依奏其月勅會昌三年六月八日已有
明勅應文武官除授諸道節度觀察經畧防禦使及就
加官爵等起今以後與送官告旌節使人事物不得過
三千匹為定制令諸道各有舊例有過三千匹者宜准
勅減不得違越 六年十二月中書門下奏應諸道節
度使觀察團練使防禦經畧等使所請俸料職田祿粟

時服雜給並諸已人事用度等先奉聖旨令條流奏來
者伏以藩鎮之任寄切分憂一方慘舒繫在長吏近者
所在軍府多稱窮空 因緣增添費用滋廣不遵往
例唯徇人情物力既困於公家誅斂終歸於百姓稍能
釐革裨益寔多置之初必有定額歲月深遠或多改更
望令諸道帥臣及長吏各詢訪事例僉尋簿書其間苟
踰舊規及有新置並宜除去務至公於軍府州鎮經營
利潤等項相承既久併絕則難相害於人亦宜禁止奉
勅依宜其月中書門下奏觀察使職當廉問位重藩維
受明王之寵寄同國家之休戚豈可但享崇貴唯務優
游羅聲色以自娛頹凋殘而莫問縱逃顯責必受陰誅
自今以後並請責其成效專其事權使得展意盡心恢

張皇化敬事以守法度節用以減征徭有利于國者必
行不以近名為慮有害于人者必去不以徇例為辭絕
連夜之酣歌務盡心於議讞常推此道方免曠官其巡
屬州縣須知善忠歲考校具以上聞隱而不言罪歸廉
師應有所論薦須直書事績不得虛詞有所舉聞須盡
錄奸賊不得隱漏懦弱不任職者奏免不得徇情清強
能立事者上陳不得蔽善如此即上下相制遠近相臨
同推至公共成致理勅旨卿等所條源廉問牧宰等事
實繫生靈慘舒並依

咸通九年十二月二十三日勅司農寺丞薛瓊可贊善
大夫克除廬壽州招召鄉兵使 十二年七月中書門
下奏諸道節度防禦使下將校奏轉試官及憲衙等每

年量許五人都團練防禦使量許三人為定不得更於
其外奏請其兼御史中丞以下即準勅文條流須有軍
功方可授任今後若顯有戰功任其事績申奏檢勘不
虛當以處分此外不得更有奏請其幽鎮魏三道即且
準舊例處分 其年中書門下奏準今年六月十二日
勅整革諸道及在諸司奏官並請章服事其諸道奏州
縣官錄事參軍縣令或見任公事敗闕不理切要替換
及前任實有勞效並見有關員即任各舉所知每道奏
請仍不得兩入其河東潞府邠縣涇源靈武監夏振武
大德鄜坊滄德易定三川等道觀察防禦使及嶺南五
管每年除今錄外許量奏簿尉及中下州判司縣丞共
三人偏州不在奏州縣官限其黔中所奏州縣官及大

將管內官即任準舊例處分在京諸司及諸道帶職奏官或非時衝替考限未滿並却與依資官

天祐元年四月勅今後除留宣徽兩院山馬坊置德庫御厨客省閣內飛莊完九使外餘並停廢其內園水井公事委河南府勾當至二年二月十六日勅只置宣徽院使以權知樞密事王殷充副使以趙殷衡充其樞密使並宣徽南院使並停所司勒歸中書軍徽院人吏不得私出本院與人交通諸道勾當事人亦不得到院凡有公事並于中書論請

謚法上

舊制諸職事官三品以上散官二品以上身亡者佐史錄行狀申考功考功責歷任勘校下太常寺擬謚訖漢

申考功于都堂集省內官議是然後奏聞贈官同職事

無者稱子若蘊德立園聲實明著雖無官爵亦奏賜

謚曰先生也

文按謚法經緯天地曰文

令楚國公上官儀贈兗州都督沛郡公韋叔夏贈兗州

都督扶風縣公蘇徇贈衛州刺史清河縣子崔融贈太

子少保東海縣公徐堅贈太子少保彭城縣公劉知柔

贈幽州都督彭城郡公韋秦贈潤州刺史常山縣公馬

懷素贈禮部尚書舒國公褚無量贈益州大都督國安

縣公盧道愬贈江陵大都督宿預縣公王丘贈江陵大

都督襄陽縣侯席豫贈禮部尚書賈至贈禮部尚書韓

愈贈右僕射潘足贈太尉令狐楚贈左僕射權德輿故

襄州節度使李翱贈司徒李路故太子少傅白居易大
中三年十二月中書侍郎平章事白敏中王疏請行謚

典從之下太常謚曰文

武曰武師象以順曰武強唐德曰武開士拓境贈太尉霍

國公王恩禮贈司徒扶風郡王馬瑋太尉李愬所威王

為武當估稱奏進止以李愬父謚曰武已有武字沿不

合同宜令所司重定博士方從實執中請依前謚武

猷元曰明睿知曰猷卿曰惠德大常卿卯陰男薛收贈禮部

尚書常山郡公元行冲贈秘書監衛瓘贈太子太傅敬

懿柔克有光曰懿體和君中曰懿贈並州都督安德郡

公楊師道贈兵部尚書武陽郡公李大亮贈吏部尚書

永寧郡公王珪贈潤州刺史來恒贈太子少保張文瓘

贈幽州都督鄧國公楊崇勳贈兵部尚書正平縣公裴

淮贈禮部尚書源洎贈秘書監姚子彥贈左散騎常侍

趙復贈揚州都督蕭昕兼御史大夫鄭叔則贈工部尚

書蔣又故禮部尚書許康佐故東川節度使馮宿贈在

僕射辛秘贈左僕射馬總不贈太傅盛王倚贈太子太師

宣秘曰宣善問周連曰宣贈太傅盛王倚贈太子太師

漢中郡王瑀贈幽州都督廣平郡公劉祥道國子祭酒

趙弘智贈太尉魏王武承嗣贈太尉梁王武三嗣贈吏

部尚書王延昌贈太子少保鮑防贈尚書左僕射歸崇

贈兵部尚書陸贄贈工部尚書薛平贈右僕射鄭澣

昭聖問周連曰昭平陽公主贈並州都督固安郡公崔

敦禮特進金城郡公李珍贈幽州都督趙固公湛贈

荊州大都督舒國公韋巨源景雲元年太常寺謚巨源

昭聖問周連曰昭平陽公主贈並州都督固安郡公崔

曰三思引之為相阿韋証之為親死功而封死德而祿
同族則配正安石他人則附為定菴又駁之曰昭良恐未
當博士李處直請依前謚為君子守之故為善者雖
存不貴幸而而殺有餘名此賢達所以易心也嗚呼巨源
生有不幸而乃聞義不淫與惡相濟存心也嗚呼巨源
嘗未察而乃朝貪誅之也彼則以宰臣之貴不崇朝而
凶害者固鬼得而誅之也幽明之分贈吏部尚書齊國公
賈害者固鬼得而誅之也幽明之分贈吏部尚書齊國公
刑者固鬼得而誅之也幽明之分贈吏部尚書齊國公
自此而見今乃安加謚為昭也
諺者哉有今乃安加謚為昭也
崔日用贈戶部尚書韋元甫贈刑部尚書李兼尚書左
丞贈太師崔倣贈司空李復贈司空鄭綱贈司徒趙儒
元始建國都曰元行恭悅人曰元思能辨眾曰元贈司
空河間郡王孝公贈并州都督畢國公阿史那杜爾文
昌右相扶陽郡公韋待價贈司空苗國公豆盧欽望贈
認書監朱敬則贈鄴郡太守趙良器贈尚書左僕射東

海郡公于休烈黃門侍郎崔渙贈太子太傅李涵贈工

部尚書李建贈太保柳公綽

節好廉自勉曰節贈司空鄭國公殷開山贈工部尚書

范陽郡公張道源贈冬官尚書平昌縣男高獻贈工部

尚書馮昭泰贈尚書左僕射裴玢贈工部尚書李上公

景睿意大益曰景布義行禮部尚書蔡國公温大雅贈

幽州都督潞國公薛万均邠王傅固安縣侯盧榮贈荆

州大都督嗣虢王邕贈黃門監魏縣公

畢御贈特進嗣寧王柳故忠武軍節度使却士美贈太

保劉雍贈工部尚書馮定

成安人立政曰成贈司空萊國公杜如晦贈揚州大都

督河間郡公李義府贈越州都督天興縣伯姚璿贈侍

中平鄉縣公李德遠大理卿平安縣伯崔昇贈戶部尚書真淳子李璿贈荊州大都督崔翹河南尹博陵縣公崔希逸國子祭酒韓洵贈尚書右僕射嗣曹王臯贈工部尚書郭隆贈工部尚書齊抗贈陝州大都督崔宗贈尚書右僕射吳湊揚州大都督趙昌故京兆尹李充贈工部尚書裴次元贈太尉李逢吉贈禮部尚書張侍方故洪州觀祭使王仲舒

烈東德遵業曰烈贈左衛大將軍永安郡公王孝恭贈安人有功曰烈

左衛將軍東平郡公程務挺贈荊州大都督涼國公契苾何力贈輔國大將軍原國公田歸道贈太子少傅韋先乘贈禮部尚書張孚贈尚書左僕射孫志直贈尚書右僕射常謙光贈司空張獻甫贈鴻臚卿司馬逸客故

東臺侍郎同東臺三品荊州大都督府長史李安期

孝乘德不回曰孝慈惠愛親曰孝叶時聲享曰孝五宋安之曰孝從命不偽曰孝諫不倦曰孝善事父母

日孝于備其黨曰孝尊仁安義曰孝贈司徒道王元慶贈孝博于備

開府儀同三司現國公楊恭仁贈戶部尚書裴守忠贈兵部尚書道遙公韋嗣立贈禮部尚書崔沔岐王府長吏裴子餘贈魯郡都督趙郡公李瑱贈太子太傅郭曜

贈禮部尚書鄭杲贈工部尚書韋溫故吏部尚書李儉

康盧良好樂曰康安樂撫贈司徒鄧王元裕太子右庶人曰康令人安樂曰康

子安平縣侯李百藥贈太常卿豐城縣子姚思廉贈太常卿陽翟縣侯褚亮贈吏部尚書大安縣男閻立德贈原州都督嘉興縣子陸敦信禮部尚書新野縣公張俊

贈兵部尚書潘孟陽贈吏部尚書并州都督楊師道

定大慮慈人曰定安人法故曰定追補前定贈司從應國

公武士驥贈荊州大都督吳興縣公沈炆安贈并州大

都督為國公巨盧寬贈幽州都督燕國公于志寧贈秦

州都督高都郡公李緯贈幽州都督范陽郡公盧承慶

洛州長史裴懷節贈并州都督比平縣公張行成贈越

州都督高智周隴州刺史會稽郡公于德方梓州刺史

李震贈太子少師涂浩贈太傅何進滔贈左散騎王常侍

穆布德執義曰穆穆同州刺史蘭陵縣公蕭德昭幽州刺

史韋知止贈禮部尚書唐昭故開州刺史顏防贈戶部

尚書潞州都督却昂贈少保裴向貶授開州司馬宋中

錫會昌三年五月起復官爵追錫謚焉正大慮冠就曰正內外用情曰正清白守節曰正贈司

徒密三元曉贈開府儀同三司新昌郡公李綱贈太子

少保穎川郡公韓仲良侍中韓瑗贈幽州都督清丘縣

公崔義玄贈洪州都督博陵縣子闕立本贈秦州都督

武陽縣公韋琨贈右驍衛將軍河間郡公李友贈吏部

尚書石泉縣公王方慶贈幽州都督魏縣男崔神慶贈

益州大都督邢國公王及善贈幽州大都督譙縣子婁

師德贈益州大都督邢國公魏元忠贈天官尚書楊執

柔贈太子少傅武陽縣伯韋抗贈尚書左丞相廣平郡

公程行誨開元十四年謹曰正岐王府長史裴子餘謚

諡可謂謚贈黃門監中山郡公李贈吏部尚書金城

之元媿者贈江陵大都督高邑縣伯李尚隱贈揚州

大都督南皮縣子韋虛心贈戶部尚書楊瑒贈潞州大